

NOTA PENERANGAN BORANG TP1

TP1 merupakan borang tuntutan potongan dan rebat individu bagi tujuan Potongan Cukai Bulanan (PCB) yang dikemukakan kepada majikan sekiranya pekerja ingin menuntut potongan dan rebat dalam bulan berkenaan – Kaedah-Kaedah Cukai Pendapatan (Potongan daripada Saraan) 1994 [P.U.(A) 507/1994].

Pengemukakan TP1 dibenarkan lebih dua kali dalam tahun semasa; Salinan Borang TP1 (tanpa resit dan dokumen sokongan) perlu diserahkan kepada majikan ; majikan hendaklah simpan Borang TP1 untuk tempoh 7 tahun daripada tuntutan dibuat; pekerja perlu simpan semua resit dan dokumen berkaitan potongan selama untuk tempoh 7 tahun daripada tahun tuntutan dibuat.

BAHAGIAN A: MAKLUMAT MAJIKAN A1 - A2 (Ruangan yang wajib diisi)		
BAHAGIAN B: MAKLUMAT INDIVIDU B1 – B5 (Ruangan yang wajib diisi)		
BAHAGIAN C: MAKLUMAT POTONGAN (Sila isi yang berkenaan sahaja)		
C1	Perbelanjaan rawatan perubatan, keperluan khas dan penjaga untuk ibu bapa	<p>Perbelanjaan rawatan perubatan, keperluan khas dan penjaga untuk ibu bapa dibenarkan sebagai potongan sehingga RM8,000</p> <p>Ibu bapa merujuk kepada ibu bapa kandung atau ibu bapa angkat jika individu itu adalah seorang anak angkat.</p> <p>Perbelanjaan rawatan perubatan ibu bapa yang layak termasuk:</p> <p>(i) rawatan perubatan dan perkhidmatan penjagaan yang diperuntukkan oleh rumah penjagaan; dan</p> <p>(ii) rawatan pergigian yang dihadkan kepada mencabut gigi, menampal gigi dan membersihkan karang gigi tetapi tidak termasuk rawatan kosmetik seperti menggantikan dan membaik pulih gigi yang melibatkan penyatuan, <i>root canal</i> dan gigi palsu.</p> <ul style="list-style-type: none"> • Tuntutan mestilah disokong oleh pengamal perubatan yang berdaftar dengan Majlis Perubatan Malaysia (MPM) yang mengesahkan bahawa keadaan kesihatan ibu bapa memerlukan rawatan perubatan, keperluan khas atau perkhidmatan penjagaan; • Ibu bapa mestilah bermastautin di Malaysia; • Rawatan perubatan dan perkhidmatan penjagaan hendaklah disediakan di Malaysia. <p>Bagi kes penjaga, mestilah dibuktikan dengan resit atau perakuan bertulis oleh penjaga atau salinan permit kerja penjaga. 'Penjaga' tidak termasuk individu, suami / isteri atau anak individu berkenaan.</p> <p>Perenggan 46(1)(c) ACP 1967</p>
C2	Peralatan sokongan asas untuk kegunaan diri sendiri, suami/isteri, anak atau ibu bapa yang kurang upaya	<p>Perbelanjaan membeli peralatan sokongan asas dibenarkan potongan sehingga RM6,000 untuk kegunaan:</p> <p>(i) diri sendiri, jika dia kurang upaya; atau</p> <p>(ii) pasangannya, jika pasangan kurang upaya; atau</p> <p>(iii) anak, jika anak kurang upaya; atau</p> <p>(iv) ibu bapa, jika ibu bapa kurang upaya.</p> <p>Potongan ini TIDAK dibenarkan jika peralatan sokongan asas dibeli untuk individu kurang upaya yang tidak berdaftar dengan Jabatan Kebajikan Masyarakat (JKM) sebagai orang kurang upaya. Alat sokongan asas termasuk mesin hemodialisis, kerusi roda, kaki palsu dan alat pendengaran tetapi TIDAK termasuk cermin mata dan kanta lekap.</p> <p>Perenggan 46(1)(d) ACP 1967</p>

C3	<p>Yuran pendidikan (diri sendiri)</p> <p>(i) Peringkat selain Sarjana dan Doktor Falsafah – Bidang undang-undang, perakaunan, kewangan Islam, teknikal, vokasional, industri, saintifik atau teknologi;</p> <p>(ii) Peringkat Sarjana atau Doktor Falsafah – sebarang bidang atau kursus pengajian;</p> <p>(iii) Bayaran kursus peningkatan kemahiran dan kemajuan diri dalam Bidang yang diiktiraf</p>	<p>Potongan sehingga RM7,000 boleh dituntut ke atas yuran yang dibelanjakan bagi mengikuti kursus pengajian berikut:-</p> <p>(a) Selain ijazah di peringkat Sarjana atau Doktor Falsafah Sebarang kursus pengajian sehingga peringkat tertiar bagi tujuan memperoleh kemahiran atau kelayakan dalam bidang undang-undang, perakaunan, kewangan Islam yang diluluskan oleh Bank Negara Malaysia atau Suruhanjaya Sekuriti, teknikal, vokasional, industri, saintifik atau teknologi di mana-mana institusi tempatan atau badan profesional di Malaysia yang diiktiraf oleh Kerajaan Malaysia atau diluluskan oleh Menteri Kewangan.</p> <p>(b) Ijazah di peringkat Sarjana atau Doktor Falsafah Sebarang kursus pengajian bagi tujuan memperoleh kemahiran atau kelayakan di mana-mana institusi tempatan atau badan profesional di Malaysia yang diiktiraf oleh Kerajaan Malaysia atau diluluskan oleh Menteri Kewangan</p> <p>(c) Kursus peningkatan kemahiran atau kemajuan diri Mulai tahun taksiran 2022 hingga 2023, potongan sehingga RM2,000 dibenarkan ke atas apa-apa bidang kemahiran yang diiktiraf oleh Ketua Pengarah Pembangunan Kemahiran di bawah Akta Pembangunan Kemahiran Kebangsaan 2006 [Akta 652]. Perbelanjaan ini merupakan sebahagian daripada jumlah maksimum tuntutan yuran pengajian yang dibenarkan iaitu berjumlah RM7,000 dalam setiap tahun taksiran.</p> <p>Perenggan 46(1)(f) ACP 1967</p>
C4	<p>Perbelanjaan perubatan bagi:</p> <p>(i) Penyakit serius ke atas diri sendiri, pasangan atau anak</p> <p>(ii) Rawatan kesuburan ke atas diri sendiri atau pasangan</p> <p>(iii) Pempvaksin ke atas diri sendiri, pasangna atau anak (Terhad RM1,000)</p> <p>(iv) pemeriksaan perubatan , ujian pengesanan COVID-19 termasuk pembelian kit ujian sendiri, pemeriksaan kesihatan mental atau konsultasi ke atas diri sendiri, pasangan atau anak (Terhad RM1,000).</p> <p>(v) Penilaian bagi tujuan diagnosis, program intervensi awal atau rawatan pemulihan bagi anak kurang upaya pembelajaran (Terhad RM4,000)</p>	<p>Potongan sehingga RM10,000 dibenarkan bagi perbelanjaan berikut:</p> <p>(a) Perbelanjaan perubatan ke atas diri sendiri, pasangan atau anak bagi penyakit serius termasuk rawatan dibuat ke atas penyakit seperti sindrom Kurang Daya Ketahanan (AIDS), sindrom Parkinson, barah, penyakit buah pinggang, leukemia dan lain-lain penyakit yang serupa. ‘Lain-lain penyakit yang serupa’ termasuk serangan jantung, <i>pulmonari hypertension</i>, penyakit hati kronik, <i>fulminant viral hepatitis</i>, trauma kepala dengan defisit neurologikal, ketumbuhan otak dan kecacatan kepada pembuluh darah, melepuh dan melecur yang keterlaluan, pemindahan organ utama dan pemetongan kaki dan / atau tangan. Tuntutan mestilah dibuktikan melalui resit dan perakuan daripada pengamal perubatan berdaftar dengan Majlis Perubatan Malaysia (MPM) bahawa individu, pasangan atau anak telah diberikan rawatan penyakit serius tersebut.</p> <p>Subperenggan 46(1)(g)(i) ACP 1967</p> <p>(b) Perbelanjaan untuk rawatan kesuburan merangkumi rawatan Intrauterine Insemination (IUI), In vitro fertilization (IVF) dan lain-lain jenis rawatan kesuburan yang diperakui termasuk kos konsultasi dan ubat-ubatan ke atas diri sendiri atau pasangan. Syarat tuntutan adalah:</p> <p>(i) Tuntutan mestilah dibuktikan melalui resit dan perakuan daripada pengamal perubatan berdaftar dengan MPM bahawa individu dan pasangannya telah diberikan rawatan kesuburan tersebut; dan</p> <p>(ii) Individu telah berkahwin</p> <p>Subperenggan (46)(1)(g)(ii) ACP 1967</p> <p>(c) Potongan sehingga RM1,000 bagi perbelanjaan pempvaksin meliputi suntikan vaksin berikut:</p> <p>(i) <i>Pneumococcal</i>;</p> <p>(ii) <i>Human papillomavirus (HPV)</i>;</p> <p>(iii) <i>Influenza</i>;</p> <p>(iv) <i>Rotavirus</i>;</p> <p>(v) <i>Varicella</i>;</p> <p>(vi) <i>Meningococcal</i>;</p> <p>(vii) Kombinasi <i>tetanus-diphtheria-acellular-pertussis (Tdap)</i>; dan</p> <p>(viii) <i>Coronavirus Disease 2019 (COVID-19)</i></p>

		<p style="text-align: center;">Subperenggan 46(1)(g)(iii) ACP 1967</p> <p>(d) Potongan sehingga RM1,000 bagi perbelanjaan ke atas diri sendiri, pasangan atau anak seperti berikut:</p> <ul style="list-style-type: none"> (i) Pemeriksaan perubatan penuh sepertimana yang ditakrifkan oleh MPM dan tuntutan mestilah dibyktikan melalui resit daripada pengamal perubatan berdaftar dengan MPM. (ii) Ujian pengesanan COVID-19 yang dijalankan di klinik atau hospital mestilah dibyktikan melalui resit yang dikeluarkan oleh klinik, hospital atau pengamal perubatan berdaftar dengan MPM atau pembelian kit ujian sendiri yang disokong dengan resit pembelian; atau (iii) Pemeriksaan kesihatan mental atau konsultasi yang dibuktikan dengan resit yang dikeluarkan oleh hospital, pakar psikiatri (seksyen 2 Akta Kesihatan Mental 2001 (Akta 615)), ahli psikologi klinikal yang berdaftar di bawah Akta Profesion Kesihatan Bersekutu 2016 (Akta 774) atau kaunselor yang berdaftar dengan Lembaga Kaunselor di bawah Akta Kaunseor 1998 (Akta 580) <p style="text-align: center;">Perenggan 46(1)(h) ACP 1967</p> <p>(e) Potongan sehingga RM4,000 bagi perbelanjaan ke atas anak yang berumur 18 tahun da ke bawah seperti berikut:</p> <ul style="list-style-type: none"> (i) Penilaian bagi tujuan diagnosis kurang upaya pembelajaran yang dibuat di Malaysia yang diperakukan oleh pengamal perubatan yang berdaftar dengan MPM dan tuntutan dibuktikan dengan resit dan perakuan oleh pengamal perubatan tersebut bahawa penilaian bagi tujuan diagnosis telah dibuat ke atas anak dan anak tersebut didiagnosis mengalami kurang upaya pembelajaran; atau (ii) Program intervensi awal atau rawatan pemulihan bagi kurang upaya pembelajaran yang dibuat di Malaysia yang dijalankan oleh pengamal profesion bersekutu yang berdaftar di bawah Akta Profesion Kesihatan Bersekutu 2016 dan tuntutan dibuktikan dengan resit dan perakuan oleh pengamal profesion bersekutu tersebut bahawa anak tersebut telah menjalani program intervensi awal atau rawatan pemulihan; <p>Kategori kurang upaya pembelajaran adalah Autism Spectrum Disorder Attention Deficit Hyperactivity Diorder (ADHD), Global Development Delay (GDD), Intellectual Disability, Down Syndrown dan Spesific Learning Disability. Potongan maksimum RM4,000 adalah terpakai tanpa mengambil kira bilangan anak individu tersebut.</p> <p style="text-align: center;">Perenggan 46(1)ha) ACP 1967</p> <p>Jumlah potongan keseluruhan (a), (b), (c), (d) dan (e) di atas adalah terhad kepada RM10,000. Resit perbelanjaan rawatan dan perakuan yang dikeluarkan oleh pihak yang berkaitan hendaklah disimpan untuk rujukan / semakan LHDNM</p>
C5	<p>Gaya Hidup – Perbelanjaan untuk kegunaan / manfaat diri sendiri, pasangan atau anak bagi:</p> <p>(i) Pembelian atau langganan buku /jurnal / majalah / surat khabar dan lain-lain penerbitan seumpamanya (Bukan bahan bacaan terlarang)</p> <p>(ii) Pembelian komputer peribadi,</p>	<p>Perbelanjaan untuk kegunaan diri sendiri, pasangan atau anak bagi:</p> <ul style="list-style-type: none"> (a) Perbelanjaan bagi pembelian atau langganan buku, jurnal, majalah, surat khabar dan lain-lain penerbitan seumpamanya (dalam bentuk <i>hardcopy</i> atau elektronik tetapi TIDAK termasuk bahan bacaan yang terlarang seperti majalah lucah). (b) Perbelanjaan bagi pembelian komputer peribadi, telefon pintar (smartphone) atau tablet [TIDAK termasuk caj tambahan jaminan (warranty) dan BUKAN digunakan unruk tujuan perniagaan. (c) Permbelian peralatan sukan untuk aktiviti sukan mengikut jenis sukan yang disenaraikan Dalam Akta Pembangunan Sukan 1997 (Peralatan sukan yang

	<p>telefon pintar atau tablet (Bukan untuk kegunaan perniagaan)</p> <p>(iii) Pembelian peralatan sukan untuk aktiviti sukan mengikut Akta Pembangunan Sukan 1997 dan bayaran keahlian gimnasium.</p> <p>(iv) Bayaran bil bulanan untuk langganan internet (atas nama sendiri)</p>	<p>mempunyai jangka hayat yang singkat seperti bola golf dan bulu tangkis tetapi TIDAK TERPAKAI kepada jenis basikal bermotor) dan bayaran keahlian gimnasium (TIDAK TERMASUK keahlian kelab yang menyediakan kemudahan gimnasium);dan</p> <p>(d) Bayaran bil bulanan bagi langganan internet yang didaftar atas nama individu</p> <p>Perenggan 46(1)(p) ACP 1967</p>
C6	<p>Pembelian peralatan sukan, bayaran sewa atau fi kemasukan ke fasiliti sukan dan bayaran fi pendaftaran untuk menyertai pertandingan sukan</p>	<p>Perbelanjaan untuk kegunaan diri sendiri, pasangan atau anak bagi:</p> <p>(a) Pembelian peralatan sukan untuk aktiviti sukan yang disenaraikan dalam Akta Pembangunan Sukan 1997 (Tidak termasuk basikal roda dua bermotor);</p> <p>(b) Bayaran sewaan atau fi kemasukan ke mana-mana fasiliti sukan;</p> <p>(c) Bayaran fi pendaftaran bagi penyertaan apa-apa pertandingan sukan yang mana penganjur tersebut diluluskan dan dilesenkan oleh Pesuruhjaya Sukan di bawah Akta Pembangunan sukan 1997.</p> <p>Perenggan 46(1)(u) ACP 1967</p>
C7	<p>Pembelian peralatan penyusuan ibu untuk kegunaan diri sendiri bagi anak berumur 2 tahun dan ke bawah</p>	<p>Potongan ini dibenarkan khusus untuk pembayar cukai wanita, dengan syarat individu:</p> <p>(i) adalah ibu yang menyusukan anak;</p> <p>(ii) telah melakukan perbelanjaan atas pembelian peralatan penyusuan ibu untuk kegunaannya bagi menyusukan anaknya yang berumur 2 tahun dan ke bawah;</p> <p>(iii) membuat tuntutan yang disokong dengan resit atas pembelian.</p> <p>Peralatan penyusuan ibu yang layak mendapat potongan adalah:</p> <p>(i) set pam susu dan pek ais (<i>breast pump kit</i> dan <i>ice pack</i>);</p> <p>(ii) bekas pengumpulan dan penyimpanan susu (<i>breast milk collection and storage equipment</i>); serta</p> <p>(iii) set penyejuk atau beg penyejuk (<i>cooler set / cooler bag</i>).</p> <p>Amaun potongan adalah terhad kepada RM1,000 walaupun individu berkenaan mempunyai lebih daripada seorang anak.</p> <p>Potongan hanya dibenarkan SEKALI setiap dua (2) tahun taksiran. Dalam kes Taksiran Bersama, potongan ini hanya dibenarkan sekiranya taksiran dibangkitkan atas nama isteri.</p> <p>Contoh 1: Taksiran Bersama Atas Nama Isteri Puan Arina telah melahirkan anak pada tahun 2022 dan telah membeli peralatan penyusuan ibu berjumlah RM1,700. Suaminya yang bukan pemastautin tetapi warganegara Malaysia telah memilih taksiran bersama atas nama isterinya. Puan Arina layak menuntut potongan ini tetapi terhad kepada RM1,000 .</p> <p>Contoh 2: Taksiran Bersama Atas Nama Suami Puan Sally telah melahirkan anak pada tahun 2022 dan telah membeli peralatan penyusuan ibu berjumlah RM1,300. Puan Sally telah memilih taksiran bersama atas nama suaminya. Tuntutan potongan ini tidak dibenarkan kerana taksiran dibuat atas nama suami Puan Sally.</p> <p>Perenggan 46(1)(q) ACP 1967</p>
C8	<p>Yuran penghantaran anak berumur 6 tahun dan ke bawah ke taman asuhan kanak-kanak / tadika yang berdaftar.</p>	<p>Potongan ini dibenarkan berhubung yuran penghantaran anak yang berumur 6 tahun dan ke bawah ke:</p>

		<p>(a) Taman asuhan kanak-kanak yang berdaftar dengan Jabatan Kebajikan Masyarakat dan tertakluk kepada Akta Taman Asuhan Kanak-Kanak 1984 (Akta 308) di bawah Kementerian Pembangunan Wanita, Keluarga dan Masyarakat; atau</p> <p>(b) Tadika yang berdaftar dengan Jabatan Pendidikan Negeri di bawah Kementerian Pendidikan Malaysia dan tertakluk kepada Akta Pendidikan 1996 (Akta 550).</p> <p>Potongan ini terhad kepada RM3,000 walaupun bilangan anak yang memenuhi syarat-syarat tersebut melebihi satu. Sekiranya amaun tuntutan kurang daripada RM3,000, amaun potongan yang dibenarkan adalah terhad kepada amaun yang dibayar sahaja.</p> <p>Sekiranya taksiran suami dan isteri dibuat secara berasingan, potongan cukai di bawah perenggan ini hanya boleh dituntut sama ada oleh suami ATAU isteri yang melakukan perbelanjaan tersebut.</p> <p>Bagi pasangan yang sudah bercerai, potongan cukai ini layak dituntut oleh bekas suami dan bekas isteri dengan syarat kedua-duanya telah membuat pembayaran bagi yuran penjagaan anak dan anak tersebut bukan anak yang sama. Tuntutan potongan ini hendaklah disokong dengan dokumen kelahiran anak (MyKid atau sijil kelahiran) dan resit pembayaran yuran bulanan yang dikeluarkan oleh taman asuhan kanak-kanak atau tadika tersebut.</p> <p>Perenggan 46(1)(r) ACP1967</p>
C9	Tabungan bersih Dalam Skim Simpanan Pendidikan Nasional (jumlah simpanan dalam tahun semasa tolak jumlah pengeluaran dalam tahun semasa)	<p>Pelepasan ini berkuatkuasa bagi tahun taksiran 2019 sehingga 2024</p> <p>Simpanan ke dalam tabung SSPN oleh seseorang individu untuk membiayai pelajaran anak-anak dibenarkan sebagai potongan yang terhad kepada RM8,000. Potongan yang dituntut adalah terhad kepada amaun tabungan bersih yang dilakukan dalam sesuatu tahun sahaja.</p> <p>Contoh: Dalam tahun 2022 Baki bawa hadapan: RM4,500 Simpanan: RM2,000; dan Pengeluaran: RM1,500</p> <p>Potongan yang layak dituntut adalah RM500 (RM2,000 – RM1,500). Baki bawa hadapan sebanyak RM4,500 tidak diambil kira.</p> <p>Perenggan 46(1)(k) ACP 1967</p>
C10	Bayaran alimoni kepada bekas isteri	<p>a. Potongan bagi suami sebanyak RM4,000 diberi kepada isteri jika suami tiada punca pendapatan / tiada jumlah pendapatan; atau suami telah memilih taksiran bersama atas nama isterinya. Potongan ini hanya layak dituntut oleh seorang isteri sahaja walaupun suami mempunyai lebih daripada seorang isteri. - Subseksyen 45A(1) ACP 1967. Mulai Tahun Taksiran 2017, potongan bagi suami TIDAK dibenarkan jika suami (bukan suami kurang upaya) menerima pendapatan kasar yang melebihi RM4,000 daripada punca luar Malaysia. - Subseksyen 45A(2) ACP 1967.</p> <p>b. Potongan bagi isteri sebanyak RM4,000 diberi kepada individu yang mempunyai isteri yang tinggal bersamanya dalam tahun asas, dan isteri tiada punca pendapatan / jumlah pendapatan; atau isteri telah memilih taksiran bersama atas nama suaminya.- Perenggan 47(1)(a) dan subseksyen 47(5) ACP 1967. Mulai Tahun Taksiran 2017, potongan bagi isteri TIDAK dibenarkan jika isteri (bukan isteri kurang upaya) menerima pendapatan kasar yang melebihi RM4,000 daripada punca luar Malaysia.- Subseksyen 47(6) ACP 1967.</p> <p>c. Potongan bagi bayaran alimoni / nafkah kepada bekas isteri adalah terhad kepada RM4,000 atau amaun sebenar yang dibayar jika amaun bayaran alimoni / nafkah kurang daripada potongan yang dibenarkan. Jumlah potongan</p>

		<p>bagi isteri yang tinggal bersama dan potongan bagi bayaran alimoni / nafkah kepada bekas isteri adalah terhad kepada RM4,000.</p> <p>Bayaran alimoni / nafkah secara sukarela kepada bekas isteri di bawah perjanjian bersama tanpa sebarang perjanjian rasmi tidak layak dituntut sebagai potongan. - Subseksyen 47(2) dan 47(3) ACP 1967.</p>																		
C11	<p>Insurans nyawa / KWSP Sukarela:</p> <p>(a) Insurans nyawa / KWSP Sukarela (Terhad RM3,000)</p> <p>(b) KWSP Sukarela (Terhad rm4,000 termasuk KWSP wajib)</p>	<table border="1"> <thead> <tr> <th>Jenis Caruman</th> <th>Jumlah Pelepasan (RM)</th> </tr> </thead> <tbody> <tr> <td>Caruman wajib kepada skim yang diluluskan atau caruman sukarela kepada KWSP (tidak termasuk skim persaraan swasta) atau caruman di bawah mana-mana undang-undang bertulis [Perenggan 49(1)(b)]</td> <td>4,000 (terhad)</td> </tr> <tr> <td>Bayaran premium insurans hayat atau sumbangan takaful keluarga atau caruman sukarela tambahan kepada KWSP. [Perenggan 49(1)(a)]</td> <td>3,000 (terhad)</td> </tr> </tbody> </table> <p>Mulai tahun taksiran 2023, subseksyen 49(1) ACP 1967 memperuntukkan potongan sehingga RM7,000 seperti berikut:</p> <table border="1"> <thead> <tr> <th>Jenis caruman</th> <th>Jumlah potongan (RM)</th> </tr> </thead> <tbody> <tr> <td>Bayaran premium insurans hayat atau sumbangan takaful keluarga atau caruman sukarela tambahan kepada KWSP Perenggan 49(1)(a) ACP 1967</td> <td>3,000 (terhad)</td> </tr> <tr> <td>Caruman wajib kepada skim yang diluluskan atau caruman sukarela kepada KWSP (tidak termasuk skim persaraan swasta) atau caruman di bawah mana-mana undang-undang bertulis Perenggan 49(1)(b) ACP 1967</td> <td>4,000 (terhad)</td> </tr> </tbody> </table> <p>Bayaran premium insurans hayat atau sumbangan takaful keluarga atau polisi insurans hayat yang menjamin nyawa individu, pasangan dibenarkan sebagai potongan. Bayaran premium insurans hayat atas polisi yang menjamin nyawa anak TIDAK dibenarkan potongan.</p> <p>Potongan ini boleh dituntut oleh individu bekerja sendiri sepertimana ditakrifkan di bawah Akta Kumpulan Wang Simpanan Pekerja 1991 [Akta 452], pegawai berpencen sepertimana ditakrifkan di bawah seksyen 2 Akta Pencen 1980 [Akta 227] atau selain pegawai berpencen.</p> <p>Contoh 1: Encik Loga merupakan seorang penjawat awam yang telah memilih skim berpencen. Beliau juga telah mencarum dala KWSP secara sukarela. Dalam tahun 2023 beliau telah membuat caruman kepada KWSP dan bayaran premium insurans hayat seperti berikut:</p> <table> <tr> <td>Caruman Sukarela kepada KWSP</td> <td>RM6,000</td> </tr> <tr> <td>Bayaran premium insurans hayat untuk diri sendiri</td> <td>RM1,200</td> </tr> <tr> <td>Bayaran premium insurans hayat untuk anak</td> <td>RM 600</td> </tr> </table> <p>Bagi tahun taksiran 2023, En. Loga layak membuat tuntutan pelepasan bagi caruman KWSP sukarela dan bayaran premium insurans seperti berikut:</p>	Jenis Caruman	Jumlah Pelepasan (RM)	Caruman wajib kepada skim yang diluluskan atau caruman sukarela kepada KWSP (tidak termasuk skim persaraan swasta) atau caruman di bawah mana-mana undang-undang bertulis [Perenggan 49(1)(b)]	4,000 (terhad)	Bayaran premium insurans hayat atau sumbangan takaful keluarga atau caruman sukarela tambahan kepada KWSP. [Perenggan 49(1)(a)]	3,000 (terhad)	Jenis caruman	Jumlah potongan (RM)	Bayaran premium insurans hayat atau sumbangan takaful keluarga atau caruman sukarela tambahan kepada KWSP Perenggan 49(1)(a) ACP 1967	3,000 (terhad)	Caruman wajib kepada skim yang diluluskan atau caruman sukarela kepada KWSP (tidak termasuk skim persaraan swasta) atau caruman di bawah mana-mana undang-undang bertulis Perenggan 49(1)(b) ACP 1967	4,000 (terhad)	Caruman Sukarela kepada KWSP	RM6,000	Bayaran premium insurans hayat untuk diri sendiri	RM1,200	Bayaran premium insurans hayat untuk anak	RM 600
Jenis Caruman	Jumlah Pelepasan (RM)																			
Caruman wajib kepada skim yang diluluskan atau caruman sukarela kepada KWSP (tidak termasuk skim persaraan swasta) atau caruman di bawah mana-mana undang-undang bertulis [Perenggan 49(1)(b)]	4,000 (terhad)																			
Bayaran premium insurans hayat atau sumbangan takaful keluarga atau caruman sukarela tambahan kepada KWSP. [Perenggan 49(1)(a)]	3,000 (terhad)																			
Jenis caruman	Jumlah potongan (RM)																			
Bayaran premium insurans hayat atau sumbangan takaful keluarga atau caruman sukarela tambahan kepada KWSP Perenggan 49(1)(a) ACP 1967	3,000 (terhad)																			
Caruman wajib kepada skim yang diluluskan atau caruman sukarela kepada KWSP (tidak termasuk skim persaraan swasta) atau caruman di bawah mana-mana undang-undang bertulis Perenggan 49(1)(b) ACP 1967	4,000 (terhad)																			
Caruman Sukarela kepada KWSP	RM6,000																			
Bayaran premium insurans hayat untuk diri sendiri	RM1,200																			
Bayaran premium insurans hayat untuk anak	RM 600																			

Jenis caruman / bayaran premium	Amaun caruman / bayaran (RM)	Amaun layak dituntut (RM)
Caruman KWSP sukarela Perenggan 49(1)(b)	6,000	4,000 (terhad)
Caruman tambahan KWSP sukarela [Perenggan 49(1)(a)]	2,000	1,200 (terhad) atau 2,000
Bayaran premium insurans hayat [Perenggan 49(1)(a)]	1,800	1,800 atau 1,000 (terhad)
Jumlah [Perenggan 49(1A)(a)]	9,800	7,000 (Terhad)

Contoh 2:

Encik Reza bekerja dengan sebuah syarikat swasta. Pada tahun 2023, beliau membuat caruman kepada KWSP dan sumbangan takaful keluarga seperti berikut:

Amaun yang layak dituntut sebagai pelepasan cukai bafgi tahun taksiran 2023 adalah seperti berikut:

Jenis caruman / sumbangan	Amaun caruman / sumbangan (RM)	Amaun layak dituntut (RM)
Caruman wajib kepada KWSP Perenggan 49(1)(b)	36,000	4,000 (terhad)
Sumbangan takaful keluarga [Perenggan 49(1)(a)]	3,600	3,000 (terhad)
Caruman sukarela kepada KWSP [Perenggan 49(1)(a)]	6,000	Tidak layak
Jumlah [Perenggan 49(1A)(a)]	45,600	7,000 (terhad)

<u>Jenis caruman/ bayaran premium</u>	<u>Amaun caruman/bayaran (RM)</u>	<u>Amaun layak dituntut (RM)</u>
<u>Caruman sukarela kepada KWSP</u> [Perenggan 49(1)(b)]	<u>12,000</u>	<u>4,000 (terhad)</u>
<u>Caruman sukarela tambahan kepada KWSP</u> [Perenggan 49(1)(a)]		<u>3,000 (terhad)</u>
<u>Jumlah</u> [Perenggan 49(1A)(a)]	<u>12,000</u>	<u>7,000 (terhad)</u>

Contoh 3:

Puan Charlene adalah seorang konsultan bebas yang membuat caruman KWSP secara sukarela. Bagi tahun 2023 jumlah caruman beliau adalah RM12,000. Beliau tidak membuat sebarang bayaran premium insurans hayat.

Bagi tahun taksiran 2023, Puan Charlene layak menuntut RM7,000 atas caruman sukarela kepada KWSP sebagaimana diperuntukkan seperti berikut:

Contoh 4:

Cik Sabrina adalah seorang penjawat awam yang telah memilih skim berpenyen. Bagi tahun 2023, beliau telah membuat bayaran premium insurans sebanyak RM10,000. Beliau tidak membuat sebarang caruman kepada KWSP.

Amaun yang layak dituntut sebagai pelepasan cukai bagi tahun taksiran 2023 adalah seperti berikut:

<u>Jenis caruman/ bayaran premium</u>	<u>Amaun caruman/bayaran (RM)</u>	<u>Amaun layak dituntut (RM)</u>
<u>Caruman kepada KWSP</u> [Perenggan 49(1)(b)]	tiada	tiada
<u>Bayaran premium insurans hayat</u> [Perenggan 49(1)(a)]	10,000	3,000 (terhad)*
<u>Jumlah</u> [Perenggan 49(1A)(a)]	10,000	3,000 (terhad)

C12

Insuran pendidikan dan perubatan

Potongan tidak melebihi RM3,000 bagi premium insurans yang dibayar atas polisi pendidikan atau manfaat perubatan untuk individu, pasangan atau anak.

Polisi pendidikan hendaklah mempunyai kriteria berikut:

- (i) polisi yang diambil adalah untuk diri sendiri, pasangan atau anak;
- (ii) benefisiari polisi adalah anak;
- (iii) jika orang yang diinsuranskan adalah ibu atau bapa, manfaat insurans hendaklah hak milik anak sebagai nomini polisi;
- (iv) jika orang yang diinsuranskan adalah anak-
 - adalah wajib nyawa orang yang membayar premium (ibu atau bapa) dilindungi (*payor benefit rider*);
 - jangkamasa *rider* mestilah sama dengan polisi asas;
 - sekiranya *rider* dipakej bersama dengan polisi asas dengan hanya satu premium, kesemua premium yang dibayar dibenarkan sebagai potongan; dan
 - sekiranya ibu atau bapa tidak layak untuk *payor benefit rider*, premium yang dibayar untuk polisi asas tidak layak mendapat potongan;
- (v) untuk polisi takaful, peserta adalah ibu atau bapa dan manfaat polisi mestilah dihibahkan kepada anak;
- (vi) jumlah matang untuk polisi konvensional dan polisi takaful mestilah dijadualkan untuk bayaran semasa umur anak di antara 13 dan 25 tahun.

Polisi perubatan hendaklah mempunyai kriteria berikut:

- (i) perbelanjaan mestilah berkaitan dengan rawatan perubatan yang disebabkan oleh penyakit atau kemalangan atau ketidakupayaan;
- (ii) perlindungan polisi adalah untuk tempoh 12 bulan atau lebih;
- (iii) polisi boleh diperolehi secara berasingan atau sebagai *rider* kepada polisi insurans nyawa. Sekiranya sebagai *rider*, hanya premium *rider* yang layak dituntut sebagai potongan;
- (iv) di mana perlindungan penyakit berat digandingkan dengan polisi asas, jumlah keseluruhan premium *rider* yang dibayar layak dituntut sebagai potongan;
- (v) di mana perlindungan penyakit berat dipakej bersama perlindungan nyawa/kemalangan persendirian, 60% daripada premium layak dituntut sebagai potongan;

		<p>(vi) pekerja yang membayar premium dalam polisi perubatan berkelompok layak mendapat potongan; dan</p> <p>(vii) premium <i>waiver benefit rider</i> dan insurans untuk perbelanjaan perubatan dan perjalanan tidak layak mendapat potongan.</p> <p>Potongan bagi jumlah bayaran premium insurans pendidikan dan premium insurans perubatan adalah terhad kepada RM3,000 untuk individu dan RM3,000 untuk pasangan yang mempunyai punca pendapatan . Jika suami / isteri memilih taksiran bersama, potongan yang dibenarkan bagi jumlah bayaran premium insurans pendidikan dan premium insurans perubatan adalah terhad kepada RM3,000.</p> <p>Subseksyen 49(1B), 49(4) dan 50(2) ACP 1967.</p>
C13	Skim persaraan swasta dan anuiti tertangguh ('deferred annuity')	<p>Potongan ini berkuat kuasa mulai Tahun Taksiran 2012 hingga 2025.</p> <ul style="list-style-type: none"> - Potongan tidak melebihi RM3,000 dibenarkan bagi jumlah caruman yang dibuat kepada Skim Persaraan Swasta (SPS) yang diluluskan oleh Suruhanjaya Sekuriti dan bayaran premium untuk anuiti tertangguh. - Jumlah potongan bagi caruman kepada SPS dan bayaran premium untuk anuiti tertangguh adalah terhad kepada RM3,000 untuk individu dan RM3,000 untuk pasangan yang mempunyai punca pendapatan. Jika suami atau isteri memilih taksiran bersama, potongan yang dibenarkan bagi jumlah caruman kepada SPS dan bayaran premium anuiti tertangguh adalah terhad kepada RM3,000. <p>Rujukan: Ketetapan Umum No. 4/2014 (Anuiti Tertangguh); dan Ketetapan Umum No. 9/2021 (Skim Persaraan Swasta). Subseksyen 49(1D), 49(1E), 49(3), 50(2) dan 50(3) ACP 1967</p>
C14	Caruman kepada Pertubuhan Keselamatan Sosial (PERKESO) mengikut Akta Keselamatan Sosial Pekerja 1969 atau Akta Sistem Insurans Pekerjaan 2017	<p>Potongan peribadi kepada seorang individu tidak melebihi RM350 ke atas sumbangan yang dibuat atau ditanggung oleh individu tersebut dalam tahun asas kepada Pertubuhan Keselamatan Sosial (PERKESO) mengikut Akta Keselamatan Sosial Pekerja 1969 [Akta 4] atau Akta Sistem Insurans Pekerjaan 2017 [Akta 800].</p>
C15	Perbelanjaan bayaran pemasangan sewaan, pembelian termasuk sewa-beli peralatan atau langganan bagi penggunaan kemudahan pengecasan kenderaan elektrik bagi kenderaan sendiri (Bukan untuk kegunaan perniagaan)	<p>Potongan sehingga RM2,500 kepada individu ke atas amaun yang dibelanjakan untuk bayaran kemudahan pengecasan kenderaan elektrik seperti berikut:</p> <ul style="list-style-type: none"> (i) kos pemasangan alat pengecasan kenderaan elektrik; (ii) pembelian termasuk pembelian secara sewa beli alat pengecasan kenderaan; (iii) sewaan alat pengecasan kenderaan; atau (iv) yuran langganan kemudahan pengecasan kenderaan elektrik. <p>Kenderaan elektrik hendaklah digunakan oleh individu yang menuntut untuk tujuan persendirian dan bukan untuk perniagaan. Tuntutan pelepasan hendaklah dibuktikan dengan resit pembayaran yang dikeluarkan atas nama individu yang membuat tuntutan pelepasan.</p> <p>Potongan dibenarkan bagi tahun taksiran 2022 dan 2023</p> <p>Perenggan 46(1)(v) ACP 1967</p>